



**ACTA DA SESIÓN ORDINARIA REALIZADA POLA XUNTA DE GOBERNO LOCAL EN
DATA 18 DE XULLO DE 2025**

PRESIDENTE ACCIDENTAL:

XOSE ANTÓN ARRIIBE RODRIGUEZ

MEMBROS:

ISMAEL DURÁN BEREJO

LUCIA PICOS ANEIROS

AUSENTES:

Excusa a súa asistencia a Concelleira:

MARÍA JOSÉ PERNAS DIAZ

SECRETARIA:

ANA VELO RUIZ

INTERVENTORA:

MARIA CARMEN MENENDEZ ARES

Na Casa Consistorial do Concello de Cedeira, ás 14:10 horas do día 18 de xullo de 2025, reúnese a Xunta de Goberno Local co obxecto de realizar, en primeira convocatoria, sesión ordinaria baixo a presidencia do Sr. Alcalde-Presidente accidental, e coa asistencia dos Sres./Sras. Concelleiros/as que arriba se relacionan, actuando como Secretaria, dona Ana Velo Ruiz, que dá fe do acto.

A Presidencia accidental, tras comprobar nos termos expostos que se dá o quórum legalmente esixido polo artigo 113 do Regulamento de organización, funcionamento e réxime xurídico das entidades locais, aprobado por Real Decreto 2568/1986, para a válida realización das sesións da Xunta de Goberno Local, declara aberta esta, pasándose ó estudio e exame dos asuntos incluídos na orde do día da convocatoria.

1. APROBACIÓN, SE PROCEDE, DA ACTA DO 04.07.2025

De conformidade co preceptuado no artigo 91 do R.O.F., a Presidencia accidental pregunta se existe algunha obxección á acta da sesión realizada en data 04.07.2025 e ao non producirse ningunha, a Presidencia accidental somete a votación ordinaria a súa aprobación, da que resulta aprobada por unanimidade dos Sres./Sras. Concelleiros/as.

2. APROBACIÓN DAS LIQUIDACIÓNS CORRESPONDENTES A TAXA POLA PRESTACIÓN DO SERVIZO DE AXUDA NO FOGAR CORRESPONDENTES AO MES DE XUÑO 2025

Vista a proposta de Alcaldía, asinada dixitalmente con data 17.07.2025, que literalmente di:

“PROPOSTA DE ALCALDÍA



Asunto: APROBACIÓN DAS LIQUIDACIÓNS CORRESPONDENTES A TAXA POLA PRESTACIÓN DO SERVIZO DE AXUDA NO FOGAR CORRESPONDENTES AO MES DE XUÑO 2025.

O Concello de Cedeira desenvolve o programa de Servizos Sociais de axuda no fogar e conta coa autorización de inicio de actividade inscrito no Rexistro Único de Entidades Prestadoras de Servizos Sociais da Xunta de Galicia co número de identificación E-736/P.001.

A nova ordenanza municipal do servizo de axuda no fogar do Concello de Cedeira publicada no BOP núm.:94 do 19.05.2016 adaptada ao Decreto 99/2012, modificado polo Decreto 149/2013, do 5 de setembro polo que se define a carteira de servizos sociais para a promoción da autonomía persoal e a atención ás persoas en situación de dependencia e se determina o sistema de participación das persoas usuarias no financiamento do seu custo entrou en vigor o día 07.06.2016.

O regulamento do servizo de axuda no fogar do Concello de Cedeira establece no artigo 7.8 a obriga dos usuarios de participar no pagamento do servizo nos termos establecidos na súa norma reguladora. A participación no financiamento do servizo está regulado nos artigos 17 e 18 da ordenanza municipal do servizo de axuda no fogar.

Unha vez determinada a participación de cada persoa usuaria no copagamento do servizo e comprobadas as horas efectivas de atención realizadas a cada un deles polo persoal do Departamento de Servizos Sociais do Concello,

É polo que se **propón** a esta **Xunta de Goberno Local**:

1º) A aprobación das liquidacións correspondentes a:

taxa pola prestación do servizo de axuda no fogar, **modalidade dependencia**, correspondente ó mes de xuño 2025 que empeza por , cun importe de 41,21 € e finaliza con cun importe de 16,57 € e se compón de 48 obrigados ó pagamento ascendendo a un total de 4878,89 €.

taxa pola prestación do servizo de axuda no fogar, **modalidade libre concorrencia**, correspondente ó mes de xuño 2025 que empeza por DNI: cun importe de 36,00 € e finaliza con cun importe de 28,80 € e se compón de 6 obrigados ó pagamento ascendendo a un total de 376,20 €.

2º) Que se continúe coa recadación das cantidades.”

A Xunta de Goberno Local, por unanimidade dos seus membros presentes, acorda aprobar a proposta nos termos nos que quedou transcrita.

3. ANULACIÓN DE RECIBOS DA TAXA POLA PRESTACIÓN DO SERVIZO DE RECOLLIDA DE RESIDUOS E LIQUIDACIÓN. EXP: 2025/X999/000128

Visto o informe-proposta asinado dixitalmente polo Tesoureiro accidental con data 11.07.2025, que literalmente di:

“INFORME- PROPOSTA



Asunto: ANULACIÓN DE RECIBOS DA TAXA POLA PRESTACIÓN DO SERVIZO DE RECOLLIDA DE RESIDUOS E LIQUIDACIÓN. EXP: 2025/X999/000128.

ANTECEDENTES

Datos ben inmovible:

Enderezo: CL

Ref catastral: !

Nº fixo recibo: 253000648237

Exercicio: 2022/2023/2024

Primeiro. Preséntase solicitude para cambio de titularidade do recibo da taxa pola prestación do servizo de recollida de residuos, comprobándose polo Servizo de Recadación do Concello que procede a anulación do recibo dos exercicios 2022, 2023 e 2024, por non ser correcto o suxeito pasivo.

Segundo. Achégase ao expediente o resultado da comprobación polos Servizos de Recadación do Concello dos datos actualizados do Rexistro Catastral de Inmobles e os que constan no Servizo Integrado de Xestión Tributaria da Deputación da Coruña como ente delegado para a xestión da taxa.

FUNDAMENTOS DE DEREITO

I. Competencia

A competencia orixinaria para resolver correspóndelle á Alcaldía- Presidencia, consonte o disposto na Lei 7/1985 de 2 de abril, reguladora das bases de réxime local e o Real decreto lexislativo 2/2004 de 5 de marzo, polo que se aproba o texto refundido da Lei reguladora das facendas locais.

A Alcaldía delegou na Xunta de Goberno Local as facultades correspondentes, consonte o disposto no Decreto 345/2023 de 10 de xullo, na letra B, núm. 4 e 13, do número terceiro, que dispón a delegación expresa nese órgano da aprobación de padróns fiscais de impostos, taxas e prezos públicos e da resolución dos recursos que se interpoñan contra os acordos en materias delegadas que se teñen detalladas nos apartados anteriores.

II. Normativa de aplicación

Son aplicables a Lei 58/2003 de 17 de decembro, xeral tributaria e a vixente Ordenanza fiscal 2.11 do Concello de Cedeira reguladora da taxa por recollida de residuos sólidos urbanos publicada definitivamente no Boletín Oficial da Provincia da Coruña número 104 de data 4 de xuño de 2021 na súa última versión, aplicable dende o 07.06.2021

III. Feito imponible

O artigo 2 da norma municipal define o feito imponible da taxa que consiste na prestación do servizo, de recepción obrigatoria, de recollida, transporte e tratamento de residuos domésticos e comerciais, en vivendas ou locais onde se exerzan actividades comerciais, industriais, profesionais, de servizos ou calquera outra actividade, de acordo coas definicións recollidas na lei 22/2011, de 28 de xullo, de residuos e solos contaminados.

IV. Devindicación



Á data da devindicación se refire o artigo 6.2 da Ordenanza Municipal do seguinte xeito : “Establecido e en funcionamento o referido servizo, as cotas devindicaránse o primeiro día de cada ano natural, salvo que a alta ou baixa do servizo se producise con posterioridade á devandita data, en cuxo caso se prorrateará por trimestres naturais. Non producira o prorrateo nos cambios de titularidade, unha vez transcorrida a devindicación”.

V. Inscripción e variación de datos padronais

O artigo 7.3 dispón que: “Os suxeitos pasivos veñen obrigados a formalizar a súa inscrición ou a variación de datos do padrón do tributo no prazo máximo de tres meses, presentando ao efecto a correspondente declaración de alta ou variación de datos, xunto cos documentos xustificativos, e ingresando, se procede, simultaneamente, mediante autoliquidación, a cota que corresponda”.

VI. Comprobación

De conformidade co artigo 3.3 do RDL 1/2004, 5 de marzo, polo que se aproba o texto refundido da Lei do Catastro Inmobiliario, salvo proba en contrario e sen prexuízo do Rexistro da Propiedade, cuxos pronunciamentos xurídicos prevalecerán, os datos contidos no Catastro Inmobiliario presúmense certos.

Os datos de titularidade do ben inmovible para os exercicios 2022, 2023 e 2024, segundo o Catastro, son os seguintes:

REF. CATASTRAL	ENDEREZO	TITULAR	NIF/CIF	DERECHO
				PROP. (100,00%)

VII. Anulación, liquidación e alta en padrón.

A vista do exposto no punto anterior, procede a anulación dos recibos correspondentes aos exercicios 2022, 2023 e 2024 por non ser correcto o suxeito pasivo. Os datos dos recibos a anular son:

Nº FIXO	ID. VALOR	REF. CATASTRAL	ENDEREZO TRIBUTARIO	TITULAR	NIF/CIF	EXERCICIO	COTA (€)
253000648237	20243515022RL01R000885					2024	79,71 €
253000648237	20233515022RL01R002192					2023	82,35 €
253000648237	20223515022RL01R005892					2022	81,58 €

Igualmente procede a liquidación da taxa de recollida de lixo correspondente aos exercicio 2022, 2023 e 2024 ao titular que consta nos datos do Catastro á data de devindicación da taxa.



O dereito da Administración para determinar a débeda tributaria mediante a oportuna liquidación prescribe aos 4 anos (art. 66.a LXT), comezando o seu cómputo o día da devindicación do tributo (art. 67.1 LXT).

Por último procede a alta no Padrón do titular catastral actual.

Por todo o exposto, PROPOÑO á Xunta de Goberno Local a adopción dos seguintes ACORDOS:

PRIMEIRO. Anular os seguintes recibos, por non ser correcto o suxeito pasivo:

Nº FIXO	ID. VALOR	REF. CATASTRAL	ENDEREZO TRIBUTARIO	TITULAR	NIF/CIF	EXERCICIO	COTA (€)
253000648237	20243515022RL01R000885					2024	79,71 €
253000648237	20233515022RL01R002192					2023	82,35 €
253000648237	20223515022RL01R005892					2022	81,58 €

SEGUNDO. Aprobar as liquidacións da taxa de recollida de lixo correspondentes aos exercicios 2022, 2023 e 2024 ao titular que consta nos datos do Catastro á data de devindicación da taxa.

TERCEIRO. Comunicar este acordo á Excma. Deputación Provincial da Coruña para o seu coñecemento e tramitación oportunos.

CUARTO. Notificar o presente acordo aos interesados.”

A Xunta de Goberno Local, por unanimidade dos seus membros presentes, acorda aprobar o informe-proposta nos termos nos que quedou transcrito.

4. APROBACIÓN DO ANTICIPO DA SUBVENCIÓN NOMINATIVA A ASOCIACIÓN MARES DE CEDEIRA ANUALIDADE 2025

Vista a proposta de Alcaldía, asinada dixitalmente con data 16.07.2025, que literalmente di:

“PROPOSTA DA ALCALDÍA

APROBACIÓN DO ANTICIPO DA SUBVENCIÓN NOMINATIVA A ASOCIACIÓN MARES DE CEDEIRA ANUALIDADE 2025.

Mediante Decreto de Alcaldía número 330/2025 de data 09.07.2025, acordouse a aprobación do convenio de colaboración entre o concello de Cedeira e a Asociación Mares de Cedeira, con CIF G70429527 para o ano 2025.

O 11.07.2025 asinouuse o convenio de colaboración entre o concello de Cedeira e a antedita asociación, unha vez presentada a documentación esixida na cláusula terceira do convenio.



O importe a subvencionar é de 20.000,00€ con cargo á aplicación orzamentaria 334.489.00 do orzamento municipal para o exercicio 2025.

Consta no expediente informe favorable de Intervención de data 16.07.2025 relativo ao anticipo do 100% do importe da subvención, reténdose o 30% en concepto de garantía ata a xustificación do importe concedido.

Por todo iso, de conformidade co disposto na lexislación vixente,

RESOLVO

Primeiro.- Recoñecer a obriga e aprobar o pago do anticipo correspondente ao 100% do importe subvencionado, isto é, 20.000,00€, con cargo a aplicación 334.489.00 do orzamento do ano 2025 a favor da beneficiaria, Asociación Mares de Cedeira, con CIF G70429527.

Segundo.- Reter o 30% do importe da subvención en concepto de garantía de conformidade con previsto na cláusula quinta do convenio.

Terceiro.- Dar coñecemento da presente resolución aos departamentos de tesourería e intervención aos efectos oportunos.”

A Xunta de Goberno Local, por unanimidade dos seus membros presentes, acorda aprobar a proposta nos termos nos que quedou transcrita.

5. APROBACIÓN DO ANTICIPO DA SUBVENCIÓN NOMINATIVA A ASOCIACIÓN ANPA O BECO DE CEDEIRA ANUALIDADE 2025

Vista a proposta de Alcaldía, asinada dixitalmente con data 16.07.2025, que literalmente di:

“PROPOSTA DA ALCALDÍA

APROBACIÓN DO ANTICIPO DA SUBVENCIÓN NOMINATIVA A ASOCIACIÓN ANPA O BECO DE CEDEIRA ANUALIDADE 2025.

Mediante acordo da Xunta de Goberno Local de data 04.07.2025, aprobouse o convenio de colaboración entre o concello de Cedeira e Asociación ANPA “O Beco” do IES Punta Candieira, con CIF G15376692 para o ano 2025.

O 10.07.2024 asinouse o convenio de colaboración entre o concello de Cedeira e a antedita asociación, unha vez presentada a documentación esixida na cláusula terceira do convenio.

O importe a subvencionar é de 25.000,00€ con cargo á aplicación orzamentaria 324.489.00 do orzamento municipal para o exercicio 2025.

Consta no expediente informe favorable de Intervención de data 16.07.2025 relativo ao anticipo do 100% do importe da subvención, reténdose o 30% en concepto de garantía ata a xustificación do importe concedido.

Por todo iso, de conformidade co disposto na lexislación vixente,



RESOLVO

Primeiro.- Recoñecer a obriga e aprobar o pago do anticipo correspondente ao 100% do importe subvencionado, isto é, 25.000,00€, con cargo a aplicación 324.489.00 do orzamento do ano 2025 a favor da beneficiaria, a Asociación ANPA “O Beco” do IES Punta Candieira, con CIF G15376692.

Segundo.- Reter o 30% do importe da subvención en concepto de garantía de conformidade con previsto na cláusula quinta do convenio.

Terceiro.- Dar coñecemento da presente resolución aos departamentos de tesourería e intervención aos efectos oportunos.”

A Xunta de Goberno Local, por unanimidade dos seus membros presentes, acorda aprobar a proposta nos termos nos que quedou transcrita.

6. DAR CONTA DA RESOLUCIÓN DE ALCALDÍA NÚM. 327/2025 DE DATA 04.07.2025 - SOLICITUDE AO ABEIRO DA CONVOCATORIA DE PROGRAMAS DE SUBVENCIONS DA DEPUTACIÓN PROVINCIAL A CONCELLOS E ENTIDADES LOCAIS PARA FINANCIAR ACTIVIDADES DE ENVELLECIMENTO ACTIVO E ACTUACIONS DE LOITA CONTRA A SOIDADE NON DESEXADA NO ANO 2025

Dáse conta á Xunta de Goberno Local da resolución de Alcaldía núm. 327/2025 de data 04.07.2025, que di:

“SOLICITUDE AO ABEIRO DA CONVOCATORIA DE PROGRAMAS DE SUBVENCIONS DA DEPUTACIÓN PROVINCIAL A CONCELLOS E ENTIDADES LOCAIS PARA FINANCIAR ACTIVIDADES DE ENVELLECIMENTO ACTIVO E ACTUACIONS DE LOITA CONTRA A SOIDADE NON DESEXADA NO ANO 2025

A Excma. Deputación Provincial da Coruña publicou no BOP nº 100 do 28 de maio de 2025 a convocatoria de programas de subvencións da Deputación Provincial da Coruña a concellos e entidades locais para financiar actividades de envellecemento activo e actuacións de loita contra a soidade non desexada no ano 2025

Visto que nos datos da convocatoria se establece que o importe máximo da subvención a conceder será de 7.000 euros.

Considerando o interés en realizar un programa de envellecemento activo para as persoas maiores consistente no desenvolvemento de sesións de “Obradoiro de memoria” do mes de xaneiro ao mes de decembro do presente ano 2025.

Por todo o exposto, **RESOLVO:**

Primeiro.- Avocar a competencia delegada na Xunta de Goberno Local mediante a Resolución núm. 345/2023 de 10.07.2023 por darse as circunstancias recollidas no art. 10 da Lei 40/2015 de 1 de outubro, de réxime xurídico do Sector Público.

Segundo.- Solicitar ao abeiro da convocatoria de programas de subvencións da Deputación Provincial da Coruña a concellos e entidades locais para financiar actividades de envellecemento activo e actuacións de loita contra a soidade non desexada no ano 2025 as subvencións que se relacionan:



PROGRAMA	OBXECTO	GASTO PREVISTO	IMPORTE SOLICITADO
Subvención para actividades de envellecemento activo e actuacións de loita contra a soidade non desexada 2025	Obradoiro de Memoria 2025. Estimulación cognitiva para persoas maiores no Concello de Cedeira	11.646,05 €	7.000€

Terceiro.- Aceptar as condicións contidas na convocatoria de subvención

Cuarto.- Dar conta esta Resolución á Xunta de Goberno Local na vindeira sesión que se realice.”

A Xunta de Goberno Local dáse por enterada.

7. DAR CONTA DA RESOLUCIÓN DE ALCALDÍA NÚM. 330/2025 DE DATA 09.07.2025- APROBACIÓN DO CONVENIO DE COLABORACIÓN ENTRE O CONCELLO DE CEDEIRA E A ASOCIACIÓN MARES DE CEDEIRA PARA O ANO 2025 (EXPTE 2025/A005/000002)

Dáse conta á Xunta de Goberno Local da resolución de Alcaldía núm. 330/2025 de data 09.07.2025, que di:

“RESOLUCIÓN DE ALCALDÍA

Asunto: APROBACIÓN DO CONVENIO DE COLABORACIÓN ENTRE O CONCELLO DE CEDEIRA E A ASOCIACIÓN MARES DE CEDEIRA PARA O ANO 2025 (EXPTE 2025/A005/000002)

A Asociación Mares de Cedeira, dedícase, entre outras, á creación e desenvolvemento do Museo do Mar de Cedeira e a difusión da cultura mariñeira, en especial, daquela que atinxe aos homes e mulleres do mar de Cedeira, dando a coñecer o traballo de mariñeiros, mariscadores, redeiras, percebeiros e outros traballadores e traballadoras do mar.

Resultando que o Concello de Cedeira, co espírito de colaboración segundo prevén as Leis de Réxime Xurídico das Administracións Públicas e a reguladora das Bases de Réxime Local, ten interese en promover as actividades da Asociación Mares de Cedeira.

Tendo en conta os antecedentes antes sinalados, ambas as dúas institucións acordan a sinatura dun convenio de colaboración, co obxectivo de promover o funcionamento e actividades da entidade beneficiaria.

Vistos os informes de Secretaría e de Intervención de data 08.07.2025 e 04.07.2025, respectivamente.

Vista a memoria xustificativa, que esixen os artigos 47 e seguintes da Lei 40/2015, do réxime xurídico do sector público.

Resultando que a competencia para a aprobación do convenio corresponde á Xunta de Goberno Local, tendo en conta que a Alcaldía delegou nese órgano as facultades correspondentes, consonte o disposto na resolución de Alcaldía núm. 345/2023, de 10 de xullo.

Conforme as atribucións previstas na normativa vixente e as delegacións previstas, **RESOLVO:**



PRIMEIRO.- Avocar a competencia delegada na Xunta de Goberno Local pola necesidade urxente de aprobación do convenio de colaboración entre o concello de Cedeira e Asociación Mares de Cedeira ao abeiro do previsto no artigo 10 da Lei 40/2015, de 1 de outubro, de Réxime Xurídico do Sector Público.

SEGUNDO.- APROBAR O CONVENIO DE COLABORACIÓN ENTRE O CONCELLO DE CEDEIRA E A ASOCIACIÓN MARES DE CEDEIRA que se incorpora como anexo desta Resolución.

TERCEIRO.- Facultar ao Alcalde para a sinatura do convenio.

CUARTO.- Conceder á Asociación Mares de Cedeira, con NIF G70429527, unha subvención por un importe máximo de VINTE MIL EUROS (20.000 euros) con cargo á aplicación orzamentaria 334 48900 do estado de gastos do vixente orzamento para o exercicio 2025, para contribuír a financiar os gastos correntes e investimentos da Asociación.

QUINTO.- Dar conta da presente resolución á Xunta de Goberno Local na vindeira sesión que realice.

En Cedeira, asinado dixitalmente na data que figura na marxe polo Sr. Alcalde, Pablo Diego Moreda Gil, do que eu, Ana Vello Ruiz, como Secretaria, dou fe.

ANEXO

CONVENIO DE COLABORACIÓN ENTRE O CONCELLO DE CEDEIRA E A ASOCIACIÓN MARES DE CEDEIRA

En Cedeira, a **** de 2025

REUNENSE

Dunha parte, Pablo Diego Moreda Gil, Alcalde-Presidente do Concello de Cedeira e que actúa en nome e representación deste, asistido da Secretaria da Corporación, Ana Vello Ruiz, que dá fe do acto.

E, doutra parte, María Carmen Pérez Muíño, provisto de D.N.I. Núm. , na súa condición de Presidente da Asociación Mares de Cedeira con C.I.F. G70429527 e domicilio social en Rúa do Cristo número 22, Cedeira.

Ambas as dúas parte recoñécense mutuamente a capacidade legal necesaria para outorgar o presente documento e, en consecuencia, conveñen en formalizar o presente convenio baseándose nos seguintes:

ANTECEDENTES

1.- A Asociación Mares de Cedeira, dedícase, entre outras, a creación e desenvolvemento do Museo do Mar de Cedeira e a difusión da cultura mariñeira en especial daquela que atinxe aos homes e mulleres do mar de Cedeira, dando a coñecer o traballo de mariñeiros, mariscadores, redeiras, percebeiros e outros traballadores e traballadoras do mar.

2.- Que o Concello de Cedeira, co espírito de colaboración segundo prevén as Leis de Réxime Xurídico das Administracións Públicas e a reguladora das Bases de Réxime Local, ten interese en promover as actividades da Asociación Mares de Cedeira en base ás súas competencias en materia de promoción da cultura e a actividade turística de interese e ámbito local.

3.- Mediante acordo da Xunta de Goberno Local adoptado en data **** de 2025 aprobouse o convenio de colaboración entre o Concello e a Asociación Mares de Cedeira, quedando unicamente a sinatura material do presente convenio.

Tendo en conta os antecedentes antes sinalados, ambas as dúas institucións acordan a sinatura dun convenio de colaboración, co obxectivo de promover o funcionamento e actividades da entidade beneficiaria, todo iso conforme ás seguintes:

CLÁUSULAS

PRIMEIRA.- Obxecto. É obxecto do presente convenio, a colaboración por parte do Concello de Cedeira ao financiamento dos gastos de funcionamento da Asociación Mares de Cedeira, e en particular:

- Contratación de monitor para o Museo Mares de Cedeira
- Mantemento do Museo Mares de Cedeira (electricidade, limpeza, seguro)

SEGUNDA.- Contía da subvención. O Concello comprométese a financiar o obxecto do Convenio coas seguintes achegas cunha subvención nominativa de 20.000 €, con cargo á aplicación orzamentaria 334 48900 do Orzamento Municipal para o exercicio 2025, que se destinarán ao desenvolvemento das actividades indicadas na cláusula primeira desenvolvidas pola Asociación Mares de Cedeira.



TERCEIRA.- Obrigas da entidade beneficiaria

A entidade virá obrigada ao seguinte:

- Organizar os eventos obxecto do convenio e asumir os gastos e ingresar as cotas por ingresos das actividades.
- Cumprir co obxecto para o que foi concedida a subvención.
- Someterse ás actuacións de comprobación e control financeiro que poida efectuar o órgano concedente.
- Xustificar a subvención nos termos establecidos na cláusula sétima do convenio.
- Comunicar ao órgano concedente tan pronto como se coñeza a obtención doutras subvencións, axudas, ingresos ou recursos que financian a actividade subvencionada.
- Acreditar que está ao corrente no cumprimento das súas obrigas tributarias e coa Seguridade Social. A comprobación de tal circunstancia farase, por regra xeral polo propio Concello. A entidade autoriza, coa sinatura do presente convenio, a que se faga tal consulta. Todo elo, sen prexuízo de que, no caso de que non se poda realizar, a entidade se comprometa á presentación dos certificados acreditativos correspondentes.
- A proceder ao reintegro dos fondos percibidos nos supostos considerados no artigo 37 da Lei 38/2003, do 17 de novembro, Xeneral de Subvencións.
- Ter actualizados ou estar en proceso de actualización dos datos da Asociación no Rexistro de Asociacións da Xunta de Galicia e no Rexistro de Asociacións do Concello de Cedeira.

Para a sinatura do Convenio, a entidade deberá presentar os seguintes documentos:

1. C. I. F. da entidade
 2. Certificado da secretaría da composición da Xunta Directiva e da capacidade da presidencia para firmar o convenio.
 3. Compromiso da entidade de facer constar a colaboración do Concello de Cedeira en toda a información que realice (impresa, informática ou audiovisual) no desenvolvemento das actividades.
 4. Orzamento de ingresos e gastos estimados para o exercicio 2025, referidos ás actividades subvencionadas.
 5. Declaración responsable asinada pola Secretaría da Xunta Directiva, na cal se determinará que se compren todos os requisitos determinados no artigo 13 da Lei 38/2003 para obter a condición de entidade beneficiaria, que dita entidade non incorre en ningún suposto de incompatibilidade ou prohibición para a percepción de axudas públicas, concretando expresamente que dita entidade se encontra ao corrente das súas obrigas tributarias e coa Seguridade Social, mediante a presentación dos correspondentes certificados acreditativos ou autorizando a súa comprobación polo Concello; sen prexuízo de que, no caso de que esta non se poida levar a cabo, se requira a presentación dos correspondentes certificados. A situación co Concello comprobarase de oficio. Certificado do secretario da entidade no que se reflicten as subvencións, axudas ou outras achegas solicitadas e recibidas por parte doutros organismos, tanto públicos como privados, indicando a cantidade e o concepto polo que foi concedida.
 6. Certificación bancaria do número de conta no que se deba facer o ingreso da axuda correspondente.
- No expediente incluírase de oficio un certificado ou dilixencia do funcionario encargado, acreditativo da inscrición da entidade no Rexistro Municipal de Asociacións.

CUARTA.- Conceptos subvencionables. Considéranse gastos subvencionables os derivados do funcionamento ordinario da Asociación Mares de Cedeira incluídos dentro das actividades obxecto do convenio, e en particular:

- Salarios de persoal
- Gastos de electricidade, limpeza, auga, teléfono, internet e outras subministracións.
- Seguro do Museo
- Gastos de xestería
- Alugueros
- Material didáctico
- Catálogos e publicacións
- Restauración de pezas
- Ampliación expositores
- Ampliación sala exposicións (electricidade, mobiliario, aparatos tecnolóxicos, etc.)

O persoal que poida ter o Museo do Mar non terá en ningún caso vinculación algunha co Concello de Cedeira.

En ningún caso serán subvencionables o importe de comidas e atencións protocolarias de similar natureza, que de ser o caso serán asumidos por ingresos propios da Asociación.

Non son obxecto desta subvención os investimentos, entendendo como tales os gastos de natureza inventariable; tendo esa consideración os bens inmoables, mobles e outros susceptibles de inventario e, en todo caso, **aqueles cun importe unitario superior a 100 €.**

QUINTA.- Abono da subvención. O abono da subvención farase do seguinte xeito:

En aplicación do artigo 34.3 da Lei 38/2003, de 17 de novembro, xeral de subvencións que establece a posibilidade de que se realicen pagos anticipados como financiación necesaria para poder levar a cabo as actuacións inherentes á subvención, o Concello aboará, unha vez aprobado e asinado o convenio, o 100% do importe subvencionado, previa acreditación da situación de cumprimento coas obrigas tributarias e coa seguridade social, reténdose o 30% en concepto de garantía.

Non se esixirá a presentación de garantía para a percepción do abono mencionado.

O importe restante aboaráse unha vez xustificado o obxecto do convenio, mediante a presentación dos documentos de gasto e pago xustificativos e o resto da documentación sinalada na cláusula sétima.



SEXTA.- Colaboración entre as partes asinantes. As partes que subscriben o presente convenio colaborarán en todo momento de acordo cos principios da boa fe e eficacia para asegurar a correcta execución do pactado.

SÉTIMA.- Réxime de xustificación.

A entidade beneficiaria virá obrigada á xustificación documental da subvención concedida, ao efecto da cal deberá presentar, antes do día **31 de xaneiro de 2026** a seguinte documentación:

1. Unha memoria da realización do gasto subvencionado, indicando o tipo de actividade realizada das referidas na cláusula primeira, que inclúa a descrición, datas de realización, participación, resultados obtidos e o desglose dos gastos en que se incorreu e os ingresos obtidos para a realización de cada actividade.
2. Certificado dos ingresos da actividade, que comprenderá a propia achega do Concello, cotas, así como os demais ingresos derivados das actividades, asinado pola Secretaría ou Tesourería da entidade co visto bo da Presidencia.
3. Declaración doutras axudas ou subvencións públicas para financiar as mesmas actividades.
4. Facturas orixinais por importe igual ou superior ó da subvención, referente aos gastos subvencionables, así como unha relación das mesmas. As facturas presentadas deberán cumprir os seguintes requisitos:
 - Os conceptos expresados nas facturas deberán corresponderse con gastos ou investimentos subvencionables.
 - A forma e o contido deberán respectar a normativa vixente.
 - A entidade beneficiaria deberá figurar como destinataria da factura.

No caso de xustificar o gasto con nóminas, deberán achegarse xustificantes das respectivas transferencias, e dos documentos correspondentes á seguridade social (TC1 e TC2).

As facturas ou documentos equivalentes deberán vir acompañadas dos xustificantes de pago correspondentes (transferencia, cheque nominativo ou calquera outro que deixe constancia da contía pagada, o concepto, o perceptor e o pagador). Unicamente os importes inferiores a 100,00 €, e naqueles casos nos que se acredite a imposibilidade de uso doutro medio de pago, poderán ser abonados en efectivo, debendo constar nese caso o recibí do emisor da factura na mesma.

5. Declaración asinada polo responsable da entidade beneficiaria de que a subvención se destinou ós mesmos fins para os que foi solicitada e concedida.
6. Certificados de estar ao corrente no cumprimento das obrigas tributarias e coa seguridade social ou autorización para a comprobación polo Concello da circunstancia de atoparse ao corrente das súas obrigas tributarias (Facenda pública e Atriga) e coa Seguridade Social.
7. Documentación gráfica da actividade onde conste a colaboración do Concello de Cedeira.
8. Certificado de IBAN no que se aboará a subvención.

O incumprimento da obriga sinalada no parágrafo precedente xa sexa total ou parcial, comportará para a entidade beneficiaria, a obriga do reintegro da subvención concedida pola parte non xustificada, ademais dos intereses legais que fosen procedentes.

OITAVA.- Potestades da Administración. O Concello pode exercer, en calquera momento, o control financeiro da subvención concedida co obxecto de verificar o correcto destino dos fondos públicos, realizando calquera comprobación que resulte necesaria de conformidade coa lexislación vixente, así como, solicitando á entidade beneficiaria os xustificantes orixinais dos gastos declarados e que foron financiados coa subvención.

NOVENA.- Duración. O presente convenio entrará en vigor a partir da súa formalización e, en canto ás actividades susceptibles de subvención, ata o final do ano 2025.

Non obstante, aos efectos da xustificación de gastos subvencionables, a vixencia do presente Convenio terá carácter retroactivo desde o día 1 de xaneiro de 2025.

DÉCIMA.- Extinción anticipada. Á parte do cumprimento do seu obxecto e das obrigas de cada unha das partes, serán causas de extinción:

- a) A resolución ou rescisión por incumprimento de calquera das partes dos compromisos asumidos.
- b) Mutuo acordo do Concello de Cedeira e a Asociación Mares de Cedeira.

UNDÉCIMA.- Interpretación. Dado o carácter administrativo do presente Convenio, calquera dúbida na súa interpretación será resolta por este Concello. Igualmente, o Concello de Cedeira, poderá modificar o mesmo, por razón de interese público e acordar a súa resolución dentro dos límites e con suxeición aos requisitos e efectos sinalados legalmente.

DÉCIMA SEGUNDA.- Dereito supletorio. En todo o non previsto no presente convenio sobre obrigas das partes estarase ao disposto na lexislación administrativa de xeneral e/ou particular aplicación e, supletoriamente, polo previsto no Código Civil.

DÉCIMA TERCEIRA.- Cuestións litixiosas. Para calquera controversia que puidese derivarse da interpretación e/ou cumprimento do presente convenio, as partes, con renuncia expresa a calquera outro foro, se someten á xurisdición dos xuíces e tribunais con xurisdición no lugar da sede da Corporación concedente.

E, en proba de conformidade con todos e cada un dos extremos contidos no presente Convenio e para que conste e produza os efectos legais oportunos, asinan o presente exemplar por triplicado, a un só efecto, no lugar e data ut supra, de todo o cal como Secretaria da Corporación, dou fe.

Polo Concello de Cedeira

O Alcalde
Pablo Diego Moreda Gil

Pola Asociación Mares de Cedeira

A Presidenta
María Carmen Pérez Muíño



A SECRETARIA

Ana Velo Ruiz”

A Xunta de Goberno Local dáse por enterada.

8. ASUNTOS VARIOS

Pola Presidencia sométense a consideración da Xunta de Goberno Local, por razóns de urxencia, as seguintes propostas:

8.1 APROBACIÓN DA CESIÓN DO CONTRATO DA OBRA DENOMINADA “MELLORA E ACONDICIONAMENTO DOS VIAIS MUNICIPAIS 480, 388, 332 E OUTROS 12”. POS+2024

Vista a proposta de Alcaldía, asinada dixitalmente con data 18.07.2025, que literalmente di:

“PROPOSTA DE ALCALDÍA

Asunto: APROBACIÓN DA CESIÓN DO CONTRATO DA OBRA DENOMINADA “MELLORA E ACONDICIONAMENTO DOS VIAIS MUNICIPAIS 480, 388, 332 E OUTROS 12”. POS+2024

Nº Expediente: 2024/C003/000001

En data 26.03.2025 presentase por D. Eulogio Viñal Iglesias, en representación de EULOGIO VIÑAL OBRAS Y CONSTRUCCIONES SA autorización para a cesión do contrato de obra “Mellora e acondicionamento dos viais municipais 480, 388, 332 e outros 12” a favor de EXCAVACIONES Y OBRAS MELCHOR S.L., achegando acordo de cesión de contrato de obra asinado en data 26.03.2025.

Dito contrato foi adxudicado mediante acordo da Xunta de Goberno Local de data 05.12.2024 á empresa EULOGIO VIÑAL OBRAS E CONSTRUCCIÓN S.A. por un importe total de 272.109,71 € IVE incluído e cun prazo de execución de 6 meses.

En data 03.04.2025 mediante oficio da Alcaldía requiriuse a presentación da documentación xustificativa do cumprimento dos requisitos que correspondan para os efectos da tramitación da autorización de cesión solicitada conforme ao esixido na cláusula 35 do PCAP e artigo 214 da LCSP.

Consta informe emitido pola Dirección de obra en data 06.05.2025 no que se indica que a certificación mensual correspondente a abril de 2025 ascende a un importe de 67.015,67 €.

En data 28.05.2025 D. Melchor Fraguío Sánchez presenta por rexistro copia simple de escritura de cesión de contrato administrativo de obra outorgada polo cesionario e o cedente ante D. Francisco Javier Ramírez González, Notario do Ilustre Colexio de Galicia, en Betanzos, en data 22.05.2025.

Mediante a Resolución de alcaldía núm. 286/2025 de 16 de xuño aoi aprobada a certificación de obra núm. 1 da obra “Mellora e acondicionamento dos viais municipais 480, 388, 332 e outros 12” a favor do contratista EULOGIO VIÑAL OBRAS Y CONSTRUCCIONES S.A., con CIF A15352735, polo importe de SESENTA E SETE MIL QUINCE EUROS CON SESENTA E SETE CÉNTIMOS (67.015,67 €), o cal supera o 20% do importe do contrato.



Con data 01.07.2025 (R.E. 2025/999/1328) a empresa EXCAVACIONES Y OBRAS MELCHOR S.L. presentou a documentación requirida para aprobar a cesión do contrato de obra.

Visto o informe emitido por Secretaría en data 20.06.2025.

Con data 17.07.2025 emitíuse pola Intervención municipal informe favorable de fiscalización relativo á cesión do contrato.

Examinada a documentación citada, e de conformidade co establecido no artigo 214 da Lei 9/2017, de 8 de novembro, de Contratos do Sector Público, **propoño** á Xunta de Goberno Local a adopción do seguinte acordo:

1.- Autorizar a cesión do contrato de obras denominado “Mellora e acondicionamento dos viais municipais 480, 388, 332 e outros 12” a favor de EXCAVACIONES Y OBRAS MELCHOR S.L.

2.- Requerir a EXCAVACIONES Y OBRAS MELCHOR S.L. para a constitución da garantía definitiva polo importe de 11.244,20 euros no prazo máximo de 15 días naturais contados desde a recepción da notificación do presente acordo. Unha vez constituída a garantía anterior, procederase á devolución da garantía definitiva depositada con data 25/11/2024 pola empresa EULOGIO VIÑAL OBRAS Y CONSTRUCCIONES S.A.U. polo importe de 11.244,20 €, realizada mediante transferencia bancaria de Cajamar Caja Rural á conta núm. ES1520805196293110000027 do Concello de Cedeira.

3.- Notificar a EXCAVACIONES Y OBRAS MELCHOR S.L. o presente acordo, e citalo para a formalización mediante sinatura electrónica do presente acordo de cesión no prazo de quince (15) días hábiles contados a partir da data de constitución da garantía referida no apartado anterior.

4.- Publicar o acordo de cesión do contrato de obra na Plataforma de Contratos do Sector Público.

5.- Comunicar os datos básicos do contrato ao Rexistro de Contratos do Sector Público, de conformidade co disposto no artigo 346 da Lei 9/2017, de 8 de novembro, de Contratos do Sector Público.

6.- Dar traslado do presente acordo aos servizos municipais de Intervención e Contratación.”

A Xunta de Goberno Local, por unanimidade dos seus membros presentes, acorda ratificar a urxencia e aprobar a proposta nos termos nos que quedou transcrita.

8.2 APROBACIÓN DE EXPTE. DE CONTRATACIÓN DA OBRA DE MELLORA DA CAPA DE RODADURA DE CAMIÑOS MUNICIPAIS. AGADER 2025-26

Vista a proposta de Alcaldía, asinada dixitalmente con data 18.07.2025, que literalmente di:

“PROPOSTA DE ALCALDÍA

Asunto: APROBACIÓN DE EXPTE. DE CONTRATACIÓN DA OBRA DE MELLORA DA CAPA DE RODADURA DE CAMIÑOS MUNICIPAIS. AGADER 2025-26

Nº Expediente: 2025/C003/000005



O territorio do Concello de Cedeira acada os 84 km2, ocupando máis do 80% del as zonas rurais das 7 parroquias nas que se divide. Accédese a cada núcleo de poboación mediante vías públicas de titularidade municipal, e co contínuo tránsito de vehículos lixeiros e pesados, ademais das inclemencias meteorolóxicas, estes camiños sofren deterioro. Por este motivo necesítase proceder á súa conservación.

No presente ano 2025, as vías públicas rurais que dan servizo a parcelas agrícolas e que se atopan máis necesitadas dunha actuación de mellora están situadas nas parroquias de Cervo e Piñeiro, denominadas “camiño de Vista Alegre a Bereixo”, “camiño Santalla do Cervo”, “camiño Lamelas” e “camiño Arrasa”. Por este motivo foi redactado un proxecto técnico obxecto da solicitude de participación no Plan de mellora de camiños municipais 2025-2026 da Axencia Galega de Desenvolvemento Rural.

Mediante a Resolución de Alcaldía núm. 97/2025 de 28 de febreiro foi aprobada a solicitude de participación no Plan de mellora de camiños municipais 2025-2026 ao abeiro da Resolución da directora xeral de Agader do 30 de decembro de 2024, para a realización do proxecto “Mellora da capa de rodadura de Camiños municipais do Concello de Cedeira”, cun orzamento sen IVE de 68.851,84 € e un custo de control de calidade sen IVE de 895,00 euros.

Consta no expediente de contratación iniciado para o efecto a seguinte documentación:

- Proxecto técnico denominado “Mellora da capa de rodadura de camiños municipais. Agader 2025-26”, redactado polo enxeñeiro D. Pablo Couto López en febreiro de 2025, polo importe de 68.851,84 € sen IVE.
- Autorizacións sectoriais:
- Augas de Galicia. Conformidade coa Declaración responsable enviada. Expte. DH.W15.108081
- Informe técnico emitido con data 16/07/2025 polo enxeñeiro redactor do proxecto técnico, no cal consta que este último cumpre coas condicións contidas nas autorizacións sectoriais tramitadas.
- Providencia da alcaldía de inicio de expediente de contratación, asinada con data 17.07.2025
- Memoria xustificativa da necesidade de contratar a obra, asinada pola Alcaldía en data 02.07.2025
- Prego de Cláusulas Administrativas Particulares que han de rexer a adxudicación do contrato, asinado pola Alcaldía con data 02.07.2025.
- Acta de replanteo previo de data 17.07.2024.
- Informe xurídico favorable de data 18.07.2025 sobre a Lexislación aplicable, o procedemento a seguir e o órgano competente para aprobar e adxudicar o contrato.
- Informe de fiscalización favorable emitido pola Intervención municipal con data 18.07.2025

O presuposto de financiamento é o seguinte:

	Orzamento presentado (sen IVE)	Orzamento aceptado
Obra civil	68.851,84	68.851,84
Control de Calidade das Obras	895,00	895,00
TOTAL	69.746,84	69.746,84



Por todo o exposto, proponho á Xunta de Goberno Local a adopción do seguinte acordo:

- 1.- Aprobado o proxecto técnico denominado “Mellora da capa de rodadura de camiños municipais. Agader 2025-26”, redactado polo enxeñeiro D. Pablo Couto López en febreiro de 2025, polo importe de 68.851,84 € sen IVE.
- 2.- Aprobado o Prego de cláusulas administrativas asinado pola Alcaldía con data 02.07.2024.
- 3.- Aprobado o expediente de contratación, mediante procedemento **aberto simplificado abreviado**, para a obra denominada “Mellora da capa de rodadura de camiños municipais. AGADER 2025-26”, polo importe de 68.851,84 € (83.310,73 € IVE incluído).
- 4.- Publicar un anuncio de licitación na Plataforma de Contratos do Estado, expresando que o prazo de presentación de proposicións será de (10) días hábiles contados desde o día seguinte ao da súa publicación.”

A Xunta de Goberno Local, por unanimidade dos seus membros presentes, acorda ratificar a urxencia e aprobar a proposta nos termos nos que quedou transcrita.

E non habendo máis asuntos que tratar, pola Presidencia accidental levántase a sesión ás 14:15 horas do expresado día, estendéndose a presente acta do que eu, como Secretaria, dou fe.

O PRESIDENTE ACCTAL
XOSE ANTON ARRIIBE RODRIGUEZ
(Resolución de Alcaldía Nº 357/2025 de 18 de xullo-
Delegación da Presidencia da Xunta de Goberno Local)

A SECRETARIA
ANA VELO RUIZ